

тебе богатством, не множеством злата, но множеством воя; зане же мужи злато дадут, а златом мужа не добыти. Яко же рече Святослав, сын Ольгичь, иде на Царьград с малою дружиною и рече: нам ли от града погинути или граду от нас плененну быти? Яко же бог повелит, тако и будет: поженет бо един тысящу, а от тысящи двинется тьма (л. 257 об.). Надеая на господа, яко гора Сион не подвижится во веки.

23. Дивно¹ <за буяном> коней пасти, тако и <за> добрым воеводам и князем <воевати>. Многожды безнарядием полки побивают. Видех собор велик, а глав не имеет; тако и многие полки без добраго князя.

24. Гусли возтруаются персты, а тело основается жилами; а дуб крепится корением; тако и град наш твою державою.

25. Зане князь щедр отец есть слуге: мнози бо отца и матери (л. 258) отлучаются и к нему прибегают. Доброму господину служба, дослужится свободы, а злу господину служба, дослужится большия работы. Зане князь щедр, аки река, текуща без берегов ск <в> озе дубравы, напаяюще не токмо человеки, но и скоты и вся звери; а князь скуп, аки река в березех каменных; нелъзе пити, но и коня напоити. А боярин щедр, аки кладезь сладок при пути на напоение мимоходящим; а боярин скуп, аки кладезь солон при пути, не имея (л. 258 об.) в себе потреби мимю грядущим.

26. Не имей двора близ царева двора, не держи села близ княжа села: тиун бо <его> аки огнем трепетицею накладен а рядовницы его аки искры. От огня устережешися, а от искры не можеша устережися озжения порт.

27. Господине мя [так!]¹ Не лиши хлеба нища мудра, не воснеси до облак богата несмысленна. Нищ бо мудр, аки злато в кальне судне; а богат красен несмыслен, то аки <и>зголовие паволоки драгими солумы напхано (л. 259).

28. Господине мой! не зри внешная моя, но зри внутренняя моя. Аз <о>деянием оскуден, но разумом обилен; юн возраст имея, но стар смысл во мне. Бысть мыслию паря, аки орел по воздуху.

29. Но подстави сосуд скуделничь под капля языка моего, да накаплю ти слатчайши меду слово от уст моих. Яко Давид рече: сладка суд словеса твоя, паче меда уст моих. Ибо Соломан рече: словеса добра сладостию душу напаяют, покрывает бо печаль сердце безумному.

30. Мужа бо (л. 259 об.) мудра посылаема слово скажи ему, а безумна псылая, сам не ленися итти по нем. Очи бо мудрых желают о благих,

¹ В рукописи после „дивно“ оставлено чистое место на одно слово.